

პროფესიული მომზადების პროგრამა:
„კედლის და იატაკის მოპირკეთება ფილებით“

პროგრამის სახელწოდება: „კედლის და იატაკის მოპირკეთება ფილებით“
პროგრამის სახე: ☒ პროფესიული მომზადება ☐ პროფესიული გადამზადება
ეროვნული კვალიფიკაციების ჩარჩოს დონე: ☐ 2 ☒ 3 ☐ 4 ☐ 5
პროგრამის ხანგრძლივობა კვირებში: 13
კვირეული სასწავლო საათობრივი დატვირთვა: 20სთ.
მსმენელთა რაოდენობა ჯგუფში: მინიმალური - 5, მაქსიმალური - 15.
პროგრამაზე დაშვების წინაპირობები: საბაზო განათლება
პროგრამის მიზნები: „კედლის და იატაკის მოპირკეთება ფილებით“ პროფესიული მომზადების პროგრამის მიზანია სამშენებლო და სამრეწველო შენობა-ნაგებობების მშენებლობაზე ფილამწყობის პროფესიაში სამუშაოს მაძიებელ მსმენელთა პროფესიული სწავლებით იატაკისა და ფილის სამუშაოების შემსრულებლების მომზადების უზრუნველყოფა, შრომის ბაზრის მოთხოვნების შესაბამისი უნარების/კომპეტენციების გამომუშავებით მათი კონკურენტუნარიანობის ამაღლება და კურსდამთავრებულების დასაქმების ხელშეწყობა.
სწავლის შედეგები (რომელიც აღინიშნება ცოდნით ან/და უნარით ან/და კომპეტენციით) კურსდამთავრებულს შეუძლია: 1. არქიტექტურული და სამშენებლო ნახაზების კითხვა 2. ნახაზების მომზადება 3. ნიშნულებისა და შუქურების მოწყობა-მოხატვა 4. დუღაბის მოსაჭიმი იატაკის მოწყობა 5. კედლის და იატაკის დაკვალვითი სამუშაოების წარმოება 6. კედელზე ფილების გაკვრა 7. შემაერთებელი რიგის გაკვრა 8. იატაკზე ფილების დაგება 9. ნაკერების შევსება სხვადასხვა შემავსებლით
პროგრამის შემუშავების საფუძველი:

1. სსიპ კოლეჯის „მერმისი“ დირექტორის მიერ №04-164, 31.05.2019წ. ბრძანებით დამტკიცებული „იატაკისა და ფილის სამუშაოების“ პროფესიული საგანმანათლებლო პროგრამა

პროგრამის მოკლე აღწერა:

პროფესიული მომზადების პროგრამა განკუთვნილია პირებისათვის, რომლებსაც სურვილი აქვთ დასაქმდნენ სამშენებლო სფეროში, სხვადასხვა სამშენებლო-სარემონტო ობიექტებზე. სწავლება განხორციელდება კოლეჯის სასწავლო სახელოსნოში და სამშენებლო ობიექტზე მაღალკვალიფიციური სპეციალისტების მიერ.

პროფესიული მომზადების პროგრამის მოცულობა შეადგენს 246სთ. მსმენელთა მომზადება განხორციელდება 13 კვირის განმავლობაში. კვირეული დატვირთვა შეადგენს 20სთ., მეოთხე კვირას 17სთ, ბოლო მე-13 კვირას - 9სთ. პირველი 10 კვირის განმავლობაში მსმენელების სწავლება განხორციელდება კოლეჯში, ხოლო ბოლო სამი კვირა - კოლეჯის პარტნიორი ორგანიზაციის (შპს „იფანი“, შპს „ბაუმფლექსი“) სამშენებლო ობიექტზე.

პროგრამის მსვლელობისას მსმენელები შეისწავლიან კედლისა და იატაკის მომზადებისა და მოპირკეთებისათვის საჭირო ძირითადი და დამხმარე მასალების შერჩევა-გამოყენებას, შრომის უსაფრთხოების ნორმების დაცვით ხელის სამარჯვებისა და ინსტრუმენტების გამოყენებას, ლოკალური დაზიანებების აღმოფხვრას, ნაზავების მომზადებას, ნიშნულებისა და შუქურების მოწყობა-მობათქაშებას, დუღაბის მოსაჭიმი იატაკის მოწყობას, ფილების მომზადებას, კედლის და იატაკის დაკვალვით სამუშაოების შესრულებას, ფილების გაკვრას კედელზე, ფილების დაგებას იატაკზე, კედლისა და იატაკის შემაერთებელი რიგის გაკვრას და ნაკერების შევსებას.

პროფესიული გადამზადების პროგრამის მსმენელების შეფასება განხორციელდება პროცესზე დაკვირვებით სწავლების მეოთხე და მეცამეტე კვირას.

შეფასება ითვალისწინებს მხოლოდ ჩათვლის პრინციპზე დაფუძნებული (კომპეტენციების დადასტურებაზე) დაფუძნებული სისტემის გამოყენებას და უშვებს შემდეგი ორი ტიპის შეფასებას:

ა) სწავლის შედეგი დადასტურდა;

ბ) სწავლის შედეგი ვერ დადასტურდა.

პროფესიული მომზადების პროგრამის ფარგლებში გათვალისწინებული სწავლის შედეგის მიღწევის შემდეგ კურსდამთავრებული მიიღებს პროფესიული კვალიფიკაციის ნაწილის დამადასტურებელ, სახელმწიფოს მიერ აღიარებულ პროფესიული განათლების სერტიფიკატს დანართით, რომელშიც ფიქსირდება კურსდამთავრებულის მიერ პროგრამის ფარგლებში მიღწეული სწავლის შედეგები.

